



Bou ons kinders vir môre

Sondagskool 1

Lestitel: Jesus word gedoop en verseël

'n Ouerhandleiding

Sondagskooltuisonderrig



Liewe Ouer

Welkom by die les: “**Jesus word gedoop en verseël**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Jesus word gedoop en verseël
Bybelwoord	Mattheus 3: 13 - 17 en Johannes 6: 27
Lesdoelwit	Die kinders leer hoe God sy Seun erken het; Hy doop sy Seun met die Heilige Gees. Ons is ook verseël met die Heilige Gees en het dus kinders van God geword.

Lesopsomming:

- Baie mense het gekom om Johannes die Doper te hoor preek en deur hom in die Jordaanrivier gedoop te word.
- Vir Johannes was die uiterlike voorkoms van 'n persoon onbelangrik. Dit blyk asof hy in die hart van 'n persoon kon kyk en sien wat daar verborge was. Hierdie innerlike gevoelens was vir hom belangrik.
- Johannes het baie gepreek oor die eindtyd en hoe mense hul moet bekeer en voorberei op die koms van die Verlosser.
- Hy het daardie mense wat hul lewens verander het gedoop - berouvolle mense.
- Johannes die Doper het Jesus dadelik as die Messias herken toe Jesus hom vra om Hom te doop.
- Onwillig, en slegs op Jesus se aandrang, het Johannes vir Jesus in die water van die Jordaanrivier op dieselfde manier as al die berouvolle mense gedoop.
- Op daardie oomblik erken God sy Seun, sy Heilige Gees het sigbaar op Hom neergedaal in die vorm van 'n duif en God het gesê: "Dit is my geliefde Seun in wie ek 'n welbehae het."
- Deur die Heilige Gees het God aan Jesus die nodige krag en mag gegee vir sy menslike lewe.
- Ons is ook met water gedoop (Heilige Doop) en het die Heilige Gees ontvang (Heilige Verseëling) en daarom kinders van God geword.
- Ons moet met water gedoop word voordat ons die Heilige Gees kan ontvang.

Wat beteken hierdie les vandag vir ons?

- Johannes die Doper het Jesus herken as die Messias / Saligmaker en het Jesus onwillig gedoop in die water van die Jordaanrivier.



- God het Jesus sigbaar met die Heilige Gees vervul en Hom as sy Seun erken.
- Ons het ook die Heilige Gees ontvang (Heilige Verseëling) en daarom kinders van God geword. Met die Heilige Gees het ons nuwe lewe in ons ontvang.
- Ons moet met water gedoop word (Heilige Doop) voordat ons verseël kan word.

Sommige vrae wat ons kan vra:

1. Vraag: Waaroor het Johannes by die Jordaanrivier gepreek?

Antwoord: Dat mense hul lewens moet verander en voorberei op die koms van die Verlosser

2. Vraag: Waarom wou Johannes nie vir Jesus doop nie?

Antwoord: Hy het Jesus as die Messias / Verlosser herken en nie waardig gevoel nie

3. Vraag: Hoe het God Jesus as sy Seun erken?

Antwoord: Sy Gees het sigbaar op Jesus neergedaal in die vorm van 'n duif en God het gesê: "Dit is my geliefde Seun in wie ek 'n welbehag het."

4. Vraag: Wat is die voorvereiste om die Heilige Gees te ontvang?

Antwoord: Ons moet eers met water gedoop word (Heilige Doop)

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen